

A Mesa do Parlamento, na súa sesión do día 2 de xullo de 2024, adoptou os seguintes acordos:

PUNTO 2.º- COMPOSICIÓN DO PARLAMENTO, RÉXIME E GOBERNO INTERIOR, ORGANIZACIÓN E FUNCIONAMENTO

4. Asuntos económicos e contratación

4.1. Proxecto reformado sen repercusión económica do proxecto de remodelación da recepción de visitas e humanización e mellora da accesibilidade e da eficiencia enerxética para unha sede aberta do Parlamento de Galicia (doc. núm. 6170)

A Mesa do Parlamento na súa reunión do 19 de decembro de 2022, acordou adxudicarlle á empresa Consvial, SL o contrato de obras para a remodelación da recepción de visitas e humanización e mellora da accesibilidade e da eficiencia enerxética para unha sede aberta do Parlamento de Galicia.

O 18 de xaneiro de 2023 foi asinado coa empresa o contrato administrativo correspondente, cunha duración de 12 meses. A acta de comprobación do replanteo foi asinada o 1 de febreiro de 2023 polo que o remate estaba previsto para o día 31 de xaneiro de 2024.

Por acordo de Mesa da Deputación Permanente do 27 de decembro de 2023 concedeuselle á empresa Consvial, SL unha ampliación do prazo de execución das obras ata o 18 de xuño de 2024.

O 6 de xuño de 2024 a Dirección Facultativa das obras presentou no rexistro do Parlamento un escrito (nº 5390) no que xustifica a necesidade de redactar un proxecto reformado, sen variación económica, que recolla unha serie de incidencias que implican introducir novas partida de obra non contempladas no proxecto, coa correspondente dotación económica, e dar de baixa partidas de obra que se considera oportuno non executar e para o que solicita a autorización do Órgano de Contratación. A solicitude conta coa conformidade da empresa adxudicataria Consvial, SL.

Así mesmo a empresa Consvial, SL o día 31 de maio de 2024 presentou escrito no rexistro do Parlamento (nº 5149) solicitando unha nova ampliación de prazo, ata o día 26 de xullo de 2024, motivada polos cambios aos que se refire a Dirección Facultativa na antedita solicitude e a retrasos na subministración de algúns equipos.

A vista do informe favorable do Servizo de Persoal e Réxime Interior, a Mesa do Parlamento na reunión do 10 de xuño de 2024 acordou autorizar a ampliación de prazo das obras e fixar como data de remate o 26 de xullo de 2024, así como a redacción do antedito proxecto reformado sen repercusión económica.

O 20 de xuño de 2024, a Dirección Facultativa das obras presentou no rexistro do Parlamento (nº 6095) o “Proxecto modificado sen repercusión económica das obras da remodelación da recepción de visitas e humanización e mellora da accesibilidade para unha sede aberta do Parlamento de Galicia”.

Unha vez revisada a documentación do antedito proxecto comprobouse que está completa e é axeitada aos condicionantes exixidos e inclúe toda a documentación técnica necesaria e suficiente para definir, valorar e executar as obras que comprende. Tense efectuada unha



comprobación aritmética dos datos numéricos das medicións das partidas de obra afectadas e das novas, considerando que os novos prezos son axeitados para a súa execución.

O orzamento total de execución por contrata, ascende á cantidade de un millón oitocentos trinta e cinco mil cincocentos cincuenta e oito euros con corenta e oito céntimos (1.835.558,48 €), segundo o seguinte detalle: **1.355.718,30**

- Prezo	1.516.990,48 €
- IVE	318.568,00 €
- Total	1.835.558,48 €

Este orzamento, que inclúe os gastos xerais, o beneficio industrial e o IVE non supón ningunha variación respecto do orzamento de adxudicación inicial.

Por todo o antedito considerase aprobado técnicaamente o proxecto modificado.

A aprobación definitiva do proxecto correspóndelle ao órgano de contratación, segundo o artigo 231 da Lei 9/2007, de 8 de novembro, de Contratos do Sector Público.

Visto o informe do Xefe do Servizo de Persoal e Réxime Interior, a Mesa adopta o seguinte acordo:

1º) A aprobación definitiva do Proxecto modificado sen repercusión económica das obras da remodelación da recepción de visitas e humanización e mellora da accesibilidade para unha sede aberta do Parlamento de Galicia.

2º) Modificar o contrato coa incorporación das modificacións do proxecto.

3º) Notificarlle este acordo á Dirección Facultativa, á empresa Consvial, SL, á Intervención e Asuntos Económicos e ao Servizo de Persoal e Réxime Interior.

Santiago de Compostela, 5 de xullo de 2024

María Elena
Candia López,
Vicepresidenta 1ª
María Elena Candia López
Vicepresidenta 1ª

Firmado digitalmente por María Elena
Candia López, Vicepresidenta 1ª
Nombre de reconocimiento (DN): cn=María
Elena Candia López, Vicepresidenta 1ª,
email=elena.candia.lopez@parlamentodegalicia.es
Fecha: 2024.07.05 11:22:49 +02'00'



Asinado dixitalmente por:

María Elena Candia López, Vicepresidenta 1ª na data 05/07/2024 11:22:49



PARLAMENTO DE GALICIA
REXISTRO XERAL SAÍDA
Data asento: 05/07/2024 11:24:05
Nº Rexistro: 1657
Data envío: 05/07/2024 11:24:05.341

CSV: REXISTRO-MXbySao0L-9
Verificación:
<https://sede.parlamentodegalicia.gal/tramites/csv/>

